

## **SARS verwelkom Hooggeregshof se besluit oor BPSA**

**Maandag 4 Maart 2024** - Die kommissaris van die Suid-Afrikaanse Inkomstediens (SARS), mnr. Edward Kieswetter, verwelkom die Hooggeregshof se beslissing, wat 'n aansoek ontslaan het om verlof tot appèl deur die British Petroleum of South Africa (BPSA) om die kommissaris se besluit te hersien wat sy terugbetalingeise en regteverbeuring ingevolge die Wet op Bevordering van Administratiewe Geregtheid (PAJA) van die hand gewys het.

In dieselfde aangeleentheid, het die Hooggeregshof ook die BPSA se hersiening verwys tot verhoor, ten opsigte van die kommissaris se verdere beslissing wat geneem is ingevolge artikel 88(2)(a)(i) van die Wet op Doeane en Aksyns, nr. 91 van 1964, om belasting te hef in plaas van verbeuring op die klaarblyklike uitgevoerde brandstof.

BPSA het aangevoer dat die Hooggeregshof die appèl tot die kommissaris se doeane-bepaling ook tot verhoor moes verwys het. Die Hooggeregshof het sodanige versoek geweier op die basis dat daar geen dispuut oor feite was oor aangeleenthede van doeane-bepaling nie, maar slegs oor verbeuring.

Die Hooggeregshof se beslissing van verlede week Donderdag, volg op sy vroeëre uitspraak op 12 Januarie 2024 waar dit die BPSA se appèl ontslaan het ingevolge artikel 47(9)(e) van die Wet op Doeane en Aksyns teen bepalings wat ingevolge die Wet deur die kommissaris gemaak is.

Sodanige bepalings was dat BPSA nie vir terugbetalings van regte gekwalifiseer het vir brandstof wat BPSA beweer na Zimbabwe uitgevoer is nie. Dit is so omdat BPSA nie kan bewys dat brandstof na Zimbabwe uitgevoer is nie, en ook nie die ontvanger kan identifiseer wat die lewering in Zimbabwe ontvang het nie.

Kommissaris Kieswetter het sy tevredenheid uitgespreek dat die hof wetlike sekerheid en helderheid verskaf het oor hoe SARS spook-uitvoere moet hanteer. Hy het gesê: "SARS moes die fenomeen van spook-uitvoere met gepaardgaande kostes tot die fiskus in die gesig staar wat tot onverdiende terugbetalings lei." SARS werk hard om belastingpligtiges te help om hulle wetlike verpligtinge na te kom en handeldryf te fasiliteer. Hulle sal dit egter duur en moeilik maak vir belastingpligtiges wat by nie-nakomende gedrag betrokke is. "Dit sal sonder aansien des persoons of vooroordeel nagejaag word," het hy afgesluit.

Vir meer inligting, kontak [SARSmedia@sars.gov.za](mailto:SARSmedia@sars.gov.za).